

# DIKGAGA TSA KAHARE HO NAHA LE DILEVI

## Ke sefe se Setjha?

- **29 Tihakubele 2018 - Ho nyoloha ha Sekgahla sa Kgafa ya Ad Valorem Excise**

[Ho ile ha phatlalatswa lengolo le hlakisang ho nyoloha ha Sekgahla sa Kgafa ya Ad Valorem Excise.](#)

- **1 Mmesa 2018 - Ho phethahatswa ha Levi ya Dino tse Tswekere**

Levi ya Dino tse Tswekere (SBL) ke levi e ntjha ya ho Phahamisa tsa Bophelo bo Botle e tshehetsang maikemisetso a Lefapha la Bophelo bo Botle a ho fokotsa lefu la tswekere, monono mmoho le mafu a mang a amanang le sena Afrika Borwa. SBL e ile ya tsebiswa ke Letona la tsa Ditjhelete Tekanyetsong ya Naha ka Hlakola 2016 mme ke karolo ya Rates and Monetary Amounts and Revenue Laws Amendment Act, 2017. SBL e tla tsamaiswa le ho bokellwa ke SARS. SBL e tla qala ho sebetsa ho tloha ka la 1 Mmesa 2018. Ho fumana lesedi le fetang lena, boha [leqephe la rona la websaete le mabapi le SBL](#).

- **21 Hlakola 2018 - Tsebiso ya Tekanyetso ya 2018 e mabapi le ho nyoloha ha Levi**

- Lesedi le leng le mabapi le Dikgafa tsa kahare ho naha tse nyolohileng la kwae le tahi le tla tsebiswa Tekanyetsong ya 2018.
- Makgetho a nyolohileng a Tikoloho a dipolasetiki, ditlouloubo le makgetho a mesi ya dipalangwang mmoho le levi e ntjha e mabapi le dino tse tswekere a tla qala ho sebetsa ho tloha ka la 1 Mmesa 2018 ho latela tsebiso ya Tekanyetso ya 2018.

## KE ENG?

Dikgafa tsa kahare ho naha mmoho le dilevi hangata di behwa hodima dihlahiswa tsa letsatsi ka leng tsa boleng bo hodimo (tse kang dihlahiswa tsa petroliamo, tahi le kwae) mmoho le dinthong tseo e seng tsa bohlokwa hakaalo tsa boleng bo hodimodimo (tse kang disebediswa tsa elektronike le ditlolo).

Mosebetsi wa mantlha wa dikgafa le dilevi tsena ke ho netefatsa phallo e tswellang ya lekgetho le lebang Mmusong, mme wa bobedi ke ho nyahamisa tsebediso ya dihlahiswa tse itseng tse kotsi, tse leng kotsi bakeng sa bophelo bo botle le tikoloho.

Hodima dikgafa le dilevi tsena, re bile re na le [Mokgwatshebetso wa Pusetso ya Disele](#) bakeng sa ditheo tse monyetleng wa sena.

Tjhelete e kenang ka lebaka la dikgafa le dilevi tsena e ka ba bokaalo ba diphesente tse leshome tsa paloyohle ya lekgetho le fumanweng ke SARS.

## DI TOBILE MANG?

Dikgafa tsa kahare ho naha di leshwa ke bahlahisi ba dihlahiswa tse latelang mme di kgafiswa ho phatlalla le Southern African Customs Union (SACU), tse akaretsang Rephablike ya Afrika Borwa, Rephablike ya Botswana, Lesotho, Rephablike ya Namibia le Swaziland:

- [Alcohol and Tobacco Products](#)
  - [Malt Beer](#)
  - [Traditional African Beer](#)
  - [Spirits / Liquor Products](#)
  - [Wine, Vermouth and Other Fermented Beverages](#)
  - [Tobacco Products](#)
- [Fuel / Petroleum Products](#)
- [Ad Valorem Products](#)

Dikgafa tsa kahare ho naha di kgafiswa kapa di ka kgafiswa ka ho arohana le ka ho kgetheha hodima dihlahiswa tse fapaneng ke setho ka seng sa SACU; ha jwale Afrika Borwa di ama dihlahiswa tse latelang:

- [Fuel Levy and Road Accident Fund \(RAF\) Levy on Fuel / Petroleum Products](#)
- [Environmental Levy Products](#)
  - [Certain types of plastic bags](#)

- [Electricity generation, using non-renewable or environmentally hazardous fuels](#) (tse kang mashala, kgase, nuclear)
- [Non energy-saving light bulbs](#)
- [Motor vehicle carbon dioxide \(CO2\) emission levels](#)
- [Tyres](#)

**Ho fumana lenane le felletseng la ditokomane tsa Dikgafa tsa kahare ho naha, theohela tlase ho 'Top Publications' le 'Top Forms' kapa [o tobetse mona](#).**

## **KE TLAMEHA HO NKA MEHATO EFE?**

Ditheo tse amehang kahara RSA di tlameha ho fumana laesense ho Bolaodi ba Dikgafa tsa kahare ho naha tsa SARS pele ba ka qala ho hlahisa kapa ka nqa e nngwe ho sebetsana le dihlahiswa dife kapa dife tsena tse amehang tseo Dikgafa tsa kahare ho naha le / kapa Levi e so kang e di lefella.

## **DI LOKELA HO LESHWA NENG, JWANG?**

Dikgafa tsa kahare ho naha le dilevi tsena di hlahlojwa pele ke tlelaente ho latela kgutliso ka nngwe ya Makgetho a kahare ho naha mme ho itshetlehilwe hodima sehlahiswa, di leshwa ho SARS ka kgwedi kapa ka kotara.